

## 16. gr.

Reglur þessar eru settar samkv. heimild í 45. gr. laga nr. 23/1956 og 12/1967 og öðlast þegar gildi.

*Landbúnaðarráðuneytið, 26. sept. 1979.*

**Steingrímur Hermannsson.**

*Haukur Jörundarson.*

**REGLUGERÐ**

um breytingu á reglugerð fyrir Vatnsveitu Ólafsfjarðar nr. 220 10. ágúst 1972.

## 1. gr.

2. mgr. 5. gr. hljóði svo:

Húseigandi sem beiðist tengingar við vatnsæðar vatnsveitunnar eða breytingar á eldri lögn skal leggja fram teikningar af vatnskerfi ef óskað er.

## 2. gr.

9. gr. hljóði svo:

Af öllum húseignum á vatnsveitusvæðinu sem vatn er lagt að sbr. 5. gr. skal greiða vatnsskatt 0.15% af fasteignamatsverði húss og lóðar eins og það er hverju sinni, þó þannig að lægsta gjald af íbúð eða fasteign skal vera kr. 7 500. Lágmarksgjöld breytast í samræmi við breytingar á fasteignamati. Gjald dagar skulu vera hinir sömu og gjalddagar fasteignaskatts.

## 3. gr.

10. gr. hljóði svo:

Auk vatnsskatts skv. 9. gr. skal greiða aukavatnsskatt af húsum er nota vatn til annars en venjulegra heimilisnota, vegna atvinnu sem í þeim er rekin eða af öðrum ástæðum. Aukavatnsskattinn skal innheimta skv. mæli eða áætlun vatnsveitunnar með kr. 20.00 fyrir hvern rúmmetra vatns. Leiga fyrir mæli skal vera kr. 10 000.00 á ári. Gjald dagi aukavatnsskatts skal vera ársfjórðungslega.

## 4. gr.

12. gr. hljóði svo:

Aukavatnsskatta skv. 9. og 10. gr. skal greiða sem hér segir:

1. Fyrir vatn til skipa kr. 200.00 fyrir hvern rúmmetra, þó aldrei minna en kr. 5 000.00 hverju sinni. Gjald þetta greiðist við móttöku.
2. Fyrir fiskibáta og skip sem gerð eru út frá Ólafsfirði skal greiða sem hér segir:

Fyrir báta 12 tonn og minni kr. 10 000 á ári.

Fyrir báta frá 12 tonn og allt að 100 tonn kr. 25 000 á ári.

Fyrir skip stærri en 100 tonn kr. 100 000 á ári.

Gjald dagi er 1. júlí ár hvert.

3. Af þvottaplönum greiðist kr. 50 000 á ári. Gjald dagi er 1. júlí ár hvert.
4. Fyrir önnur vatnsafnot skv. ákvörðun vatnsveitunnar hverju sinni. Gjöld skv. grein þessari breytast í samræmi við breytingar á fasteignamati.

## 5. gr.

13. gr. hljóði svo:

Gjaldár vatnsveitunnar er almanaksárið. Vatnsskatt má taka lögtaki og er hann

tryggður með lögveði í eignum næstu tvö ár eftir gjalddaga með forgangsveði fyrir hvers konar sanningsveði og aðfararveði.

## 6. gr.

14. gr. hljóði svo:

Bæjarstjórn getur ákveðið að hækka eða lækka vatnsskatt allt að 50%.

## 7. gr.

16. gr. hljóði svo:

Brot gegn reglugerð þessari varðar sektum allt að kr. 100 000 nema þyngri refsing liggji við skv. lögum. Valdi nokkur skemmdum á vatnsveitunni skal bæta það eftir mati þar til kvaddra manna. Mál út af brotum á reglugerð þessari skal farið með sem almenn lögreglumál.

Reglugerð þessi, sem samin er og samþykkt af bæjarstjórn Ólafsfjarðar staðfestist hér með samkvæmt vatnalögum nr. 15 20. júní 1923 sbr. lög nr. 93 5. júní 1947 um aðstoð til vatnsveitna til þess að öðlast gildi þegar í stað.

*Félagsmálaráðuneytið, 27. september 1979.*

F. h. r.

Hólmfríður Snæbjörnsdóttir.

*Jón Sigurpálsson.*

## SAMÞYKKT

fyrir veiðifélag Krossár, Skarðshreppi, Dalasýslu.

1. Félagið heitir Veiðifélag Krossár. Heimili þess og varnarþing er Skarðshreppur, Dalasýsla.
2. Félagið nær til allra jarða, sem land eiga að vatnasvæði Krossár, en þær eru Skarð, Á, Geirmundarstaðir, Kross, Reynikelda og Frakkanes.
3. Verkefni félagsins er að viðhalda góðri fiskgegnd á félagssvæðinu og ráðstafa veiði eftir því sem aðalfundur samþykkir.

Félagið tekur til allrar veiði á félagssvæðinu.

4. Stjórn félagsins skipa þrjú menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á vixl þannig að formaður gengur út eftir eitt ár, annar meðstjórnandinn eftir tvö ár, og hinn eftir þrjú ár, og helst svo sama röð áfram. Enginn atkvæðisbær félagmaður getur skorast undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn og tvo endurskoðendur til tveggja ára í senn, þannig að annar varamaðurinn og annar endurskoðandinn gangi út annað árið, og hinir hitt árið.
5. Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum.

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt.